



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

VI. Quomodo Christus inter cœnandum prodicionem suam aperiat.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

Osee. II. 3. 4. *Et ego quasi nutritius Ephraim, per-
traham eos in brachys meis: & nescierunt quod con-
rem eos. In funiculis Adam traham eos, in vincu-
lis charitatis: & ero eis quasi exaltans iugum super
maxillas eorum: & declinani ad eum ut vescantur.*
Plura sequenti capite. Iustitiæ doctor. Christus
Dominus scilicet, cùm venerit comedemus vo-
scentes & saturabimur.. Ioël. 2. 26.

VERITAS. Matth. 26. 20. 21. *Vespere
autem factò discumbebat cum duodecim discipulis
suis & edentibus illis, dixit: Amen dico vobis: quia
unus vestrum me traditurus est. Marc. 14. 17. 18.
Vespere autem factò venit cum duodecim. Et dis-
cumbentibus eis, & manducantibus ait Iesus: A-
men dico vobis, quia unus ex vobis tradet me, qui
manducat mecum. Luc. 22. 14. 15. 16. Et cùm facta
esset hora, discubuit, & duodecim apostolos cum eo,
ait illis. Desiderio desideravi hoc pascha manducare
vobiscum, antequam patiar; dico enim vobis, quia
ex hoc non manducabo illud, donec impleatur im-
gno Dei. Ioan. 13. 1. Ante diem festum pasche
sciens Iesus quia venit hora eius, ut transiret ex hoc
mundo ad patrem; cùm dilexisset suos, qui erant in
mundo, in finem dilexit eos. Plura capit. 8.*

CAPVT VI.

Quomodo Christus inter cenandum proditorem
suam aperiat.

FIGVRAE. Iudas de Iosepho loquens. Gen.
37. 26. dixit fratribus suis. *Quid nobis pro-*

si occiderimus fratrem nostrum, & calauerimus sanguinem eius?

2. Iacob moriturus vocatis filijs prædicit futura. Genes. 49. 1. 2. 3.

3. Similiter Moyfes vocatis Israëlitis, Deut. 33. 1. 2. dixit.

4. Achitophel admissus antea ad secretissima consilia Davidis eum prodit Absaloni. 2. Reg. 15. 12. *Accersuit quoque Absalon Achitophel Giloniensem consiliarium David, de ciuitate sua Gilo. Cumque immolaret victimas, facta est conu-ratio valida populusque concurrens augebatur cum Absalon. Datoque pessimum consilium, 2. Reg. 16. 21. 22. 23. Et ait Achitophel ad Absalon. In-gredere ad concubinas patris tui, quas dimisit ad custodiendam domum: ut cum audierit omnis Israël quod fœdaueris patrem tuum, roborentur tecum manus eorum. Tetenderunt ergo Absalon tabernaculum in solario, ingressusque est ad concubinas patris sui coram uniuerso Israël. Consilium autem Achitophel, quod dabat in diebus illis, quasi si quis consuleret Deum: sic erat omne consilium Achitophel, & cum esset cum David, & cum esset cum Absalon. Qui laqueo se tandem suspendit. 2. Reg. 17. 23. Porro Achitophel videns quod non fuisset factum consilium suum, strauit asinum suum, surrexitque & abiit in domum suam, & in ciuitatem suam, & disposita domo sua suspendio interijt, & sepulchus est in sepulchro patris sui.*

PROPHETIAE. Psalm. 54. 11. 12. 13. 14.

S 3

15. 16.

15. 16. Die ac nocte circumdabit eam super muros eius iniquitas, & labor in medio eius, & iniustitia. Et non defecit de plateis eius usura, & dolus. Quoniam si inimicus meus maledixisset mihi, sustinuissem iram. Et scis, qui oderat me, super me magna locutus fuisset: abscondissem me forsitan ab eo. Tu vero homo unanimes: dux meus, & notus meus. Qui simul mecum dulces capiebas cibos: in domo Dei ambulamus cum consensu. Veniat mors super illos, & descendant in infernum viuentes: Quoniam nequitia in habitaculis eorum: in medio eorum. Amos 2. 6. Hec dicit Dominus, super tribus sceleribus Israel, & super quatuor non conuertam eum pro eo quod venderit pro argento instam, & pauperem pro calceamentis. Abd. 7. Usque ad terminum emiserunt reuocauerunt te viri pacis tue, qui comedunt tecum ponentes insidias subter te, non est prudentia in eis. Zach. 11. 12. Et dixi ad eos. Si bonum est in oculis vestris, afferte mercedem meam: & si non, quiescent. Et appenderunt mercedem meam triginta argenteos.

VERITAS. Matt. 26. 21. 22. 23. 24. Et edentibus illis, dixit. Amen dico vobis: quia unus vestrum me traditurus est. Et contristati valde, ceperunt singuli dicere. Nunquid ego sum Domine? & ipse respondens, ait. Qui intingit mecum manum in paropside, hic me tradet. Filius quidem hominis vadit sicut scriptum est de illo. Va autem homini illi, per quem Filius hominis tradetur: bonum est

rat ei, si natus non fuisset homo ille. Respondens autem Iudas, qui tradidit eum, dixit. Nunquid ego sum Rabbi? At illi, tu dixisti. Similia Marc. 14. 18. 19. 20. 21. & Luc. 22. 21. 22.

CAPVT VII.

Christus lauit pedes discipulorum.

FIGVRAE. 1. Fratribus Ioseph inuitatis à Iosepho ad conuiuium lauantur pedes à famulis Ioseph. Genes. 43. 24. *Et introductis domum, attulit aquam, & lauerunt pedes suos, deditque pabulum asinis eorum.* Apostolis verò ab ipso Christo lauantur pedes.

2. Moyses cum congregasset omnem tribum ad fores tabernaculi, obtulit Aaron & filios eius, cum eos prius lauisset. Leuit. 9. 4. vt mandatum fuit. Exod. 29. 4. 5. 6. *Et Aaron, ac filios eius applicabis ad ostium tabernaculi testimonij. Cumque laueris patrem cum filiis suis aqua, indues Aaron vestimentis suis, id est, linea & tunica, & superhumerali & rationali, quod constringes balteo, &c.*

3. Abigail vxor Nabal adscita in vxorem Dauid, agnoscit se pro famula, vt lauet pedes seruorum Domini sui. 1. Reg. 25. 40. 41. *Et venerunt pueri Dauid ad Abigail in Carmelum, & locuti sunt ad eam, dicentes. Dauid misit nos ad te; vt accipiat te sibi in vxorem. Quae consurgens adorauit prona in terram, & ait.*

S 4

Ecco